

民國拾年四月去舍購自柯城



重刊西安縣志

卷

興縣志卷十

學校

古之王者建國君民教學爲先三代以來禮制大備

我

朝崇儒重道四海之內庠序如林而西邑自孔氏南遷詔

立家廟闕里而外接洙泗之傳者於茲爲最學者親

炙俎豆翔步堂階因以沐浴聖涯蒸蒸向化風俗醇

茂賢才奮興蓋未有不本諸此矣志學校

縣學

在縣治西北

嘉靖通志舊在禮賢門外製錦坊明洪

武三年知縣何忠徙縣東宏治府志洪武五年知縣

靳達建堂齋射圃正統間郡守白琮開拓重建府志

正德十四年知縣張潤身遷於宋貢院遺址舊志嘉

靖二十三年教諭譚敷遷於祥符寺址建文廟兩廡

戟門櫺星門鑿泮池置堂閣齋舍亭宅

程秀民爲記

三十

八年知府楊準重建命訓導汪旦督修文廟兩廡儀

門櫺星門尊經閣敬一亭萬厯十七年知縣許國誠

重修文廟鑿泮池署縣事推官陳三樂成之

徐一櫟爲記

二十四年知縣蔡元相重修

鄭有年爲記

崇禎二年知縣

賀康載重建文廟兩廡

賀康載記邑學凡三徙洪武三年自禮賢門外製錦坊徙

入郡治北卽今孔氏家廟正德十四年再徙宋貢院舊址至嘉靖二十三年始得今祥符禪寺徙焉南面諸峰聳秀東西雙流環抱雞鳴山峙其下蓋形勝之區也而人文於斯爲盛當時作者率因舊殿稍增置堂廡歲久隆者欲撓翼者欲折門內成窪門外成阜天啟乙丑康載受事西安周視殿廡憮然有更新之志而絀於時先斥肺石之羨開濬前池俾環池爲垣而餘無所問丁卯春仲入廟雨集戒縣尉葺其敝植其顛然屬補苴無益也越己巳諸士以操場逼近學宮謀於康載移復七里街故處樂助者雲集工方竣請以餘勇施於學官會徐大參自閩海徐司理自雲間徐儀部周海豐各書來亦謂操場旣移學宮宜新康載於是毅然有葺學之舉遴監生徐日徵董其役耆民王自秀葉兆亨徐良資佐之首建文廟次門廡次啟聖祠次魁星閣明倫堂仍其舊而加葺焉良材巨石堅完而壯麗諸士望宮牆歷階序登殿升堂巍

然大觀也哉肇工于五月十二日建豎于八月初一日落成於十二月初四日甫肇工巨木從河西岸底湧出鄉人神之建豎之辰五色雲見邑士舉酒相賀謂必有偉人傑士應運起者稽唐開元郡邑始得廟祀孔子唐之偉傑孰如陸宣公宋慶厯朝學制始備宋之偉傑孰如趙清獻此二公者皆崇祀於鄉鄉之人指某山某水爲陸所低徊願畱而趙之毓祥鍾秀在焉至今談者齒牙有餘馥明興重學明倫西安科甲蟬聯名臣碩輔輩出文明之象卓冠東南迺自洪武百八十年而近爲嘉靖甲辰邑學始得據山川之勝又八十年而遠爲今上已巳廟貌聿新規制宏備靈秀之氣凝合而一大振之雲見木湧夫豈無意是役也諸士中率先倡義者若而人合力協助者若而人皆彬彬乎一時之盛而程材課實厯寒暑廢寢食使民不知役工不知勞則董役者之力爲多備書於石

明順治十一年知縣白拱薇重濬泮池康熙七年知縣

李忱重修

葉南生記我衢山川鍾異石室蒼以秀濤
瀾泓以深應期而興者代多俊偉特邑庠

之建歲久傾頽在供億餽輓之餘欲葺治而未遑也
歲辛丑恂九李公蒞邑甫下軾謁廟周視黌宇垣舍
喟然曰學校者教化之本原而英賢之淵藪也奈何
漸卽於圯是余之過也夫于是捐祿餼力主其事相
輕重之宜審緩急之序均勞逸之期飭情勸之約乃
命工師選度名材持引執杖揮之左右動中繩墨乃
命陶人埴土成器毋薄而祇必慎以固乃命抹築丹
漆之工疇縮版疇操鍤疇塗蘄勿隱汝能罔嬉而逸
乃命胥徒臺隸之役奔走趨事朝夕匪懈乃進僚佐
而屬之曰君等同事茲土當董率工役以時稽其舉
廢而行其賞罰乃揖廣文先生暨弟子員而告之曰
二三君子共在宮牆其各抒所見恪共邇事以匡所
不逮勉之哉經綸條貫揆日興庸爲文廟爲廊廡階
砌爲啟聖宮爲明倫堂爲尊經閣文昌魁星諸閣及
名宦鄉賢祠次第修舉子來忘勞遠近內外秩然改
觀公則從容暇豫不大聲色而庶績咸熙是其作人

經世之道有深焉者矣予嘗慨服官從政者好自急功名視澤宮泮水邈乎若不相屬間有一二垂思者或公私方匱苦於財或役車未休苦於力或案牘旁午輒使迭應苦於時否則經營未稱其宜器使未適其方往往有其心而不克竟其業今公在百端交集之地獨毅然引爲己任悉捐俸貲而不藉民財厚償傭值而不瘁民力揮絃清嘯優游規畫而不憚時之盤錯且經營各當其位置器使必盡其短長用能不勞告成奕世永賴使臯比講授者弦誦攸宜負笈來游者藏息得所鐘鼓樅鏞如聆辟雍之奏琴書劒佩不殊鄒魯之堂甚盛舉也余歸田後聆公訓最深因獲備志其事鑱之石使後之珥筆者其撫余言以垂不朽

云

十年又修

徐之凱記邑侯恂九李公之治西邑也首崇學校以明倫設教爲本自治

治初有事文廟闢堂奧繕廊廡靡不備具蓋以其心力經營垂十年幾與其政治相終始至是重建明倫堂告成事焉按是堂創自有明中葉剝蝕傾圯摧崩是懼公規畫歲餘相陰陽定矩矱卜築歲月燦然復

新詳於籌度敬其事也度悉從古不忘舊也飭祀
昌廣文教也旁構數楹以舍肄業存先制也或曰大
禮湮廢久矣在昔講藝習射養老合樂燕饗斯堂實
爲從事之區今典章衰謝而欲虛植一堂以冀三古
之盛事不已難乎六君臣父子夫婦昆弟朋友之道
與世推移日以淪晦胥賴此堂以傳不朽其建置之
不可緩也明甚間嘗觀邑中所行鄉飲酒禮以嚴凝
盛德序賓主揚解拜洗猶然三代法物三年賓興歌
詩進筭彬彬揖讓每長吏入學修謁如儀弟子鳴鼓
講藝何遽不逮李覺胡瑗故事至於集耆老振木鐸
以月旦徇論邑中大有周官讀法遺意焉若其他習
射養老合樂雖稍稍散佚而由繹其旨亦大要不離
乎明倫者近是苟原本此意以興起禮樂有舉而措
之耳第規制徒存躬修不立猶具文也明倫之要務
以身先余聞公於家庭肅雝有禮嚴整而輯睦而君
父不貳朋友不欺尤灼灼人耳目余邑又素以淳謹
稱坊則易立表則易率則斯堂之關於名教顧不大
哉堂旣成公適膺卓薦司馬鞏州士若民無不致其

謳思卽斯堂鼎新彌令人追維德教與俎豆鐘簋並垂不朽矣邑學司教王君莫宗禔躬範士與公交修實董斯役將鐫石垂後而命余爲序余因樂與公道立學之旨并以告天下之士大夫曰將欲講明典禮以冀復三古之盛三十年知縣鹿祐葺文廟建兩廡者必自茲堂始

朱彝尊記西安縣學舊在禮賢門外嘉慶鄉製錦坊元末燬於兵洪武初一徙於城北廢斗室法院爲之正德間再徙於宋貢院遺址嘉靖中復徙於大中祥符寺規制差備自耿精忠逆命六師致討屯兵府郭久縣學牆屋薪木皆毀惟文廟僅存梁棟亦圯會進士穎川鹿侯來知縣事下車謁廟顧瞻太息乃豫爲規畫俾山農之產竹木陶人之治瓦甃段冶之攻釘鉸者咸得以其物輸官抵井稅儲興築之具而以月俸補其額鳩工庀材首葺廟宇次營兩廡各九楹次建明倫堂次設先賢先儒木主然後繚垣牆塗丹粉濬泮池之水種樹廟庭及堂之前後凡百本經始於辛未之秋今年春二月堂成侯興器用弊釋奠於廟

牲酒豆籩秩秩有儀觀者交悅具頌侯之功伐石以
進侯曰未也堂雖成祠與閣未備且曩時賜書未有
存者經以載道而學宮無之其可哉乃購羣經疏義
凡百餘家將納之廟簠以示學者噫侯之用心勤矣
夫三衢固仕國也昔之言經術者若樓灼之三禮劉
牧徐庸柴翼之易徐晉卿王宏之春秋是皆西安產
也西安之俗其君子敏於事士之志於學者不少特
爲兵與歲所苦居無黌舍市無書肆其何所資以講
習爲得侯所購之書貯於學有不相觀而善相說而
解辨其異同而博喻之者乎吾知教之所由興必自
西安始余游乎學校見昔之廢者具舉中心怡懌不
能自已於言而縣學教諭錢君訓導王君樂襄其役
與余述侯立學之功集事之敏有過人者
計慮之外者爰撫其本末而書之於石

乾隆十八年知縣張錫齡劉甫岡先後繼修

錢維城
記西安

邑康熙十三年耿逆弄兵總督武定李公謀知之卽
疾驅據守居賊四圍中悉力調度卒以蕩平故浙東

郡多爲賊所殘破獨衢以公故城池學舍壇廟倉庫得完自李公用兵以來七十餘年縣學歲久不葺多圯敗諸有司方謀新之故生員邵貞幹妻杜氏遵夫遺命首捐白金一千兩於是邑士民踴躍恐後知縣事張君錫錦劉君甫岡先後創率復遴紳士徐汧葉斌徐瀾吳士本董其役自戟門大殿崇聖祠及明倫堂忠義祠以次修理輪奐踰於舊是役也經始於乾隆二十五年三月迄工於二十八年八月縻白金三千一百三十兩有奇有司告成於學使者學使者執筆而記曰

國家建邑首立學宮祀先聖先師命學官試民之俊秀者補博士弟子員以養以教涵育而薰陶之德意甚厚而諸生或不能謹守師說流於曲學不稱

朝廷重師儒以樂育人材至意夫邵杜氏接耳不死其夫以千金之重不爲琳宮梵宇之助而修夫子廟此學士大夫有難能者而邵杜氏行之嘗讀詩至兔置曰關雎之化行則莫不好德而賢人衆多也至汝墳曰文王之化行婦人能勉君子以正也至殷其雷曰

大夫妻能以勤勞閔君子而勸以義也夫王者之治其化學士大夫易化野人也難化野人難而化婦人女子尤難邵杜氏好德而勸於義與其君子相勉以正不背既死之命而以私財上佐

聖天子薪蒸棧樸之治其所見何如也然非

國家教化涵濡百年之久道德一而風俗同天下咸知崇正學而黜異端惡得有此哉二南之風不專美於前矣若良有司之董率經營紳士之慕義而趨事亦得備書之五十六年知縣謝最淳教諭吳琬訓導朱

謙魯修文廟重建兩廡嘉慶十四年巡道繼公昌知

縣姚寶燿教諭朱鬯訓導楊世英倡修

大成殿位次

至聖先師孔子

南

四配 分列東
西向

復聖顏子 宗聖曾子 述聖子思子 亞聖孟子

十二哲 分列東
西向

先賢閔子子騫 先賢冉子伯牛

先賢冉子仲弓 先賢宰子子我

先賢端木子子貢 先賢冉子子有

先賢仲子子路 先賢言子子游

先賢卜子子夏 先賢顓孫子子張

先賢有子子有 先賢朱子元晦

按崇祀之典歷代不一漢高祖十二年過魯以太牢
祀孔子章帝元和二年祀孔子於闕里猶未立廟梁
天監四年初立孔子廟唐武德四年始立周公孔子
廟各一所於國學以孔子爲先師周公爲先聖貞觀
二年詔州縣學皆立廟停祀周公奉孔子爲先聖以
先師顏子配開元八年以四科閔子等列享爲十哲
曾子從享坐十哲之次宋元豐七年令天下學廟塑
像以孟子配食大觀二年躋子思配食景定二年定
顏曾思孟爲四配升子張於十哲明初學宮悉仍前
制孔子稱大成至聖文宣王四配稱公先賢稱侯嘉
靖九年改大成殿爲先師廟孔子稱先師四配稱聖
十哲以下稱賢易諸像以木主

國朝順治十四年議正木主題曰

至聖先師孔子四配曰復聖顏子宗聖曾子述聖子思子

亞聖孟子十哲以下曰先賢某子某康熙五十
一年升朱子於哲位乾隆二年升有子於東哲

御製

國朝康熙二十四年大成殿

御製萬世師表匾額

雍正三年

御製生民未有匾額

乾隆三年

御製與天地參匾額

嘉慶五年

御製聖集大成匾額

康熙二十五年

御製至聖先師孔子贊并序

蓋自三才建而天地不居其功一中傳而聖人代宣其蘊
有行道之聖得位以綏猷有明道之聖立言以垂憲此正

學所以常明人心所以不泯也粵稽往緒仰溯前徽堯舜禹湯文武達而在上兼君師之寄行道之聖人也孔子不得位窮而在下秉刪述之權明道之聖人也行道者勲業炳於一朝明道者教思周於百世堯舜禹湯文武之後不有孔子則學術紛淆仁義湮塞斯道之失傳也久矣後之人而欲探二帝二王之心法以爲治國平天下之準其奚所取衷焉然則孔子之爲萬古一人也審矣朕巡省東國謁祀闕里景仰滋深敬摛筆而爲之贊曰清濁有氣剛柔有質聖人參之人極以立行著習察舍道莫由惟皇建極

惟后綏猷作君作師垂統萬古曰惟堯舜禹湯文武五百
餘歲至聖挺生聲金振玉集厥大成序書刪詩定禮正樂
既窮象繫亦嚴筆削上紹往緒下示來型道不終晦秩然
大經百家紛紜殊途異趣日月無踰羹牆可晤孔子之道
惟中與庸此心此理千聖所同孔子之德仁義中正秉彝
之好根本天性庶幾夙夜勗哉令圖溯源洙泗景躅唐虞
載歷庭除式觀禮器摛毫仰贊心焉遐企百世而上以聖
爲師百世而下以聖爲師非師夫子惟師於道統天御世
在道爲寶泰山之東海泱泱牆高萬仞夫子之堂孰窺